

Lanz Lauxsae Dou Niemh Mwnqz

蓝老师我们想念你

环江思恩镇人和小学五年级 Veiz Sanjsanj/韦闪闪

Moix baez yawjraen gij hoenz ndaw daemz nyapnyaj laeng hagdangz coemh hwnj, baihnaj gou couh yienh gij yienghsiengq Lanz lauxsae youq henz daemz nyapnyaj muengz haenx.

Yozyau dou youq lajmbanj, cawqleix nyapnyaj mbouj lumj ndawsingz fuengbienh, aenvih nyapnyaj mbouj ndaej gibseiz cawqleix, ngoenz gya ndwen lai, nyapnyaj ndaw daemz daeb ndaej lumj goengqbya, moix baez miz rumz hung ci daeuj, nyapnyaj couh lumj duz mbungqmbaj ityiengh youq byongh mbwn diuqfoux, sanq ndaej gizgiz cungj miz.

Lanz lauxsae daeuj daengz yozyau dou, couh fatseng daih bienqvaq. Daegbied dwg daemz nyapnyaj, gij nyapnyaj ndaw daemz haenx menhmenh fatseng bienqvaq. Lanz lauxsae ciengzciengz youq henz daemz okyienh, de roxnaeuz youq seiz doeg saw, roxnaeuz youq seiz banringz yietnaiq, roxnaeuz youq seiz cuengqhag

le, cungj dwg boux vunz dog gaem dawz gaiqgyauz, faggimz raez gip nyapnyaj daehsuli, ceijvaih, nyefaex daengj, couh faen loih cawqleix. Goengfou mbouj vei vunz mizsim, ginggvaq aen singhgiz ndeu haengqrengz, Lanz lauxsae dauqdaej dawz aen "baujleij" nanz gung haenx gung loemq lo. Doeklaeng, mboujlwnh hwnj rumz doek fwn, hix mbouj miz nyapnyaj youq byongh mbwn mbinfwf, ndaw hagdangz seizseiz seuqsat ndeiyouq.

Seizneix, Lanz lauxsae mbouj youq yozyau dou sonsaw lo, hoeng daemz nyapnyaj hagdangz dou hix mbouj miz nyapnyaj daeb ndaej lumj goengqbya ityiengh lo. Aenvih daemz nyapnyaj ciengzciengz miz vunz lumj Lanz lauxsae ityiengh youq giz haenx muengz, dwg Lanz lauxsae dawz aensim cawqleix nyapnyaj haenx ciengzsoengq roengzdaej.

Lanz lauxsae, seizneix mwnqz lij ndei lwi? Dou gig niemh mwnqz.

(lauxsae son'gyauq Luz Cunhmeiz/陆春梅)



Lwgvuengziq

小王子


bouxraiz Swng'aihgwzsubheilij bouxhoiz Luz Fwncangz

圣埃克苏佩里 著 卢奋长 译

"Nyaenx gou guhlawz guh ndei ne?" Lwgvuengziq cam naeuz.

"Mwnqz deng miz naihsim cij ndaej bw." Duznyaenma han naeuz, "Mwnqz naengh youq ndaw byoznywj gonq, naengh gyaе gou di. Gou da cim mwnqz, mwnqz gijmaz cungj gaej gangj. Gangj lai cix bakbamz lo. Mwnqz ngoenzngoenz cix naengh daeuj gyawj gou di……"

Ngoenz daihngaih, Lwgvuengziq daeuj moq lo.



"Mwnqz ngoenzngoenz caemh seiz-haenx daeuj lai ndei." Duznyaenma naeuz, "Langhnaeuz mwnqz banringzgvaq seiz

diemj daeuj, gou banringzgvaq sam diemj cix angqvauvau youq gizneix caj mwnqz. Yaek daengz seiq diemj le, gou cix lai angq dem. Daengz seiq diemj le, gou couh diuqbaegbaeg, angq baenzcawz baenzcix. Langhnaeuz mwnqz yaek seizlawz daeuj cix seizde daeuj, yienghneix gou cix mbouj rox guhlawz coux mwnqz lo…… Deng miz di laehgvenq lai baenz lai ndei."

"Laehgvenq dwg gijmaz?" Lwgvuengziq cam naeuz.

"Vunzlai ciengzseiz lumz gijneix bae." Duznyaenma naeuz, "Laehgvenq couhdwg hawj mbangj ngoenz caeuq ngoenz wnq mbouj doxlumj, hawj mbangj seiz caeuq seiz wnq mbouj doxlumj. Lumjnaeuz, boudwknayen miz laehgvenq boudwknayen. Gyoengqde baez daengz singhgizseiq cix caeuq gyoengq lwgsau gyoengq najmaeq ndaw mbanj loenghfoux. Yienghneix, doiq gou daeuj gangj, singhgizseiq couh baenz ngoenzndei lo, gou youzlangh liuhlah bae daengz suenmakit goj mbouj lau. Langhnaeuz gyoengq boudwknayen yaek seizlawz caeuq lwgsau bae loenghfoux cix seizde bae loenghfoux, ngoenzngoenz cungj yienghneix guh, gou cix ciengxlwenx cungj mbouj miz ngoenzlanghgyaj lo."

Yienghneix, Lwgvuengziq cix gunx ndaej duznyaenma gvaq. Gvaq mbouj nanz Lwgvuengziq cix yaek deuz lo……

(29)

Seiqvunz Baez Daih-it Cien Gyaеqgaeq

人生第一次煎鸡蛋

Geiq ndaej ngamq daengz yalingyingz ngoenz daihngaih. Banhaet lienh ndang sat, gyaulen heuh dou daengz ranzhaeux lohdiен haenx doxcomz. Hoeng daengz gizhaenx baez yawj, ngawzngwd lo, laxlawz ngairzromh yaek swheij gag cawj! Hangh daih'it couh dwg cien gyaеqgaeq. Gyaulen heuh gou sien youq ndaw rek raix di youz ndeu, naeuz caj youz ndat le couh dub gyaеq roengzbae. "Dub roengzbae? Baenzlawz dub ha?" Gou cingq ngawzngwd, couh dingqnyi henz ndang miz vunz hemq: "Vaiq dub gyaеq, youz ok hoenz lo." Hoeng gou mbouj rox gyaеq baenzlawz dub, gou luenhlulu dawz gyaеq lienz byuk itheij gveng roengz rek bae, caenh dingqnyi gij sing bibi baba, gij hauxgyaeq daj ndaw geh byukgyaeq rih okdaеuj haenx, yaepyet couh dek lo, gou bae lawz raen gvaq yiengh hong neix, hwk dwk gvenggvak gucanj, saet daengz henzlaeng bae, "Ha ha ha……" Daxbeix hung henz ndang riugokgok.

Baez neix, gyaulen rag gou gvaqbae: "Mwnqz yawj ndei!" De doq gangj doq raix youz roengz rek bae, deq youz ok hoenz, couh dawz gyaеqgaeq youq henz rek baez dub, song fwngz baez mbek, baenz aen hauxgyaeq doq conj roengz rek bae, gou cungj caengz ndaej yawj cingcuj, gyaulen gaenq dawz aen gyaеqciен ndeiriri haenx canj ok rek lo. Daengz gou cien lo, baez neix gyaulen heuh gou dub gyaеq roengz vanj iq bae gonq, hoeng baezngaengz aen gyaеqgaeq dwggyaez neix seizneix cix gig diuqbeiz, mbouj dingq vah gou saekdi, dub mbaeu di, mbouj dek, dub naek di, youh deng gou nyaenj ndaej yungzyab. Gou naiqnueknuek naeuz: "Mbouj gwn lo." "Mbouj ndaej, neix hix dwg hangh yinvu haglienhe." Gig mbouj yungzheih, gou dauqdaej dawz "aen gyaеqnyangq neix" dub roengz vanj bae lo, hoeng dang gou raix gij hauxgyaeq roengz rek bae seiz, ndaw rek youh dek bidbid byadbyad, youzndat sinx hwnjdaеuj log dawz faj fwngz gou. Gyaulen aeu sujbaq daeuj suek faj fwngz gou, heuh gou caiq dawz hauxgyaeq riengz henz aenrek raix roengzbae, mbouj siengj daengz aen banhfap neix caen mbouj loek. Gou lumz caez gij dungxcieg haxbaenh, youz gyaulen sonyinx le dauqdaej guh baenz "gyaеqgaeq cien" baez daih'it lo!

Gou hag rox cien gyaеqgaeq, ndawsim gou angq raixcaix.

(Cuz Haijliengz raiz Goenggen hoiz)